

M_✓ beh mi[✓] beh beh-eu_✓

¹A[✓] dah_✓ beh ngeh, m_✓ haw[✓]-eu mi[✓]-ah[✓] Mi_✓ yeh[✓] beh-eu_✓ meh.
1 ²Mi[✓] tsa_✓ tah_✓ k'aw[✓]-a_✓, pyaw_✓ na_✓ ma_✓ si_✓ la[✓] ni, yaw bah_✓ yaw lah[✓]-eh[✓] ci_✓ cu[✓] ni ja[^] lu_✓-eu meh. Yaw_✓ je_✓ na lu_✓ k'oe[✓] ta[^] i_✓ ma la[^] sha[^] i[✓] cu_✓ dah_✓ pym_✓ ta_✓-aw[✓], zah[✓] tsui ni ja[^]-eu_✓ meh. K'oe[✓] ngeh, Mi_✓ yeh[✓]-eu_✓ bao_✓ i[✓] cu_✓ k'oe[✓] ta[^] cah lu_✓-eu meh. ³K'oe[✓] na[✓], Mi_✓ yeh[✓] daw_✓ bi_✓-aw[✓], Yaw sheh_✓ bi ja[^] le-aw_✓ leh[✓] eh[✓] ngeh, yaw sheh_✓ ja[^] le-eu_✓ meh. ⁴K'oe[✓] ga[✓] ya maw[✓] ngeh, Mi_✓ yeh[✓] nui k'ah[✓] shi[✓]-eu_✓ meh. K'oe[✓] na[✓], yaw sheh_✓ haw[✓]-eu yaw zah[✓]-ah[✓] Mi_✓ yeh[✓] bi[✓] pa[^] neh_✓-aw[✓], bi g'aw_✓-i[✓]-eu_✓ meh. ⁵Yaw sheh_✓-ah[✓] nah g'ah[✓], yaw zah[✓]-ah[✓] u_✓ ci_✓ leh[✓], a_✓ yaw_✓ myah[✓] neh_✓-eu_✓ meh. U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, yaw beh nah dzeu[✓]-i[✓]-eu_✓ meh.

⁶K'oe[✓] na[✓], l[✓] cu_✓ nyi_✓ pa[^]-eh[✓] pa[^]-i[✓]-aw[✓] bi g'aw_✓-i[✓]-eu g'a[✓] du_✓, ka_✓ law[^] baw le-aw_✓ leh[✓] Mi_✓ yeh[✓] daw_✓ bi_✓ ngeh, ka_✓ law[^] baw le-eu_✓ meh. ⁷Ka_✓ law[^] k'oe[✓] hm_✓-eu_✓ k'oe[✓] ta[^] paw ja[^]-eu i[✓] cu_✓ haw[✓]-eu, u_✓ mo[^] paw ja[^]-eu i[✓] cu_✓-ah[✓] Mi_✓ yeh[✓] bi[✓] pa[^] neh_✓-eu_✓ meh. ⁸Ka_✓ law[^] k'oe[✓] hm_✓-ah[✓], M_✓ leh[✓] Mi_✓ yeh[✓] myah[✓] neh_✓-eu_✓ meh. U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, nyi_✓ nah ti_✓ nah dzeu[✓]-i[✓]-eu_✓ meh.

⁹K'oe[✓] na[✓], l[✓] cu_✓ ma_✓ dah_✓-eu peh[✓] tsah[✓] bi baw la[✓]-eu g'a[✓] du_✓, m_✓-eu_✓ u_✓ mo[^] paw ja[^]-eu i[✓] cu_✓ deu_✓ ti_✓ paw dze[✓] coe[✓]-ah[✓] teh_✓-eh[✓] ui_✓-i[✓]-aw_✓ leh[✓] Mi_✓ yeh[✓] daw_✓ bi_✓ ngeh, k'oe[✓] lo_✓-eh[✓] pyeu_✓ la[✓]-eu_✓ meh. ¹⁰l[✓] cu_✓ ma_✓ dah_✓-eu peh[✓] tsah[✓]-ah[✓], Mi[✓] tsa_✓ leh[✓] a_✓ yaw_✓ myah[✓] neh_✓-aw[✓], i[✓] cu_✓ ui_✓-i[✓] ta_✓-eu_✓ ga[✓], l_✓ ma la[^] sha[^] leh[✓] a_✓ yaw_✓ myah[✓] neh_✓-eu_✓ meh. K'oe[✓] ga[✓] ya maw[✓] ngeh, Mi_✓ yeh[✓] nui k'ah[✓] shi[✓]-eu_✓ meh. ¹¹K'oe[✓] na[✓], A[✓] si_✓ k'a[✓] si_✓ le nya-aw[✓], a[✓] nui[^] k'a[✓] nui[^] le nya-eu a[✓] baw[✓] deu_✓ haw[✓]-eu, sah_✓ lah_✓ a[✓] baw[✓] daw_✓ taw[^] lu_✓ mi[✓] tsa_✓ k'oe[✓] ta[^] deh_✓ la[✓]-aw_✓ leh[✓] Mi_✓ yeh[✓] daw_✓ bi_✓ ngeh, k'oe[✓] lo_✓-eh[✓] pyeu_✓ la[✓]-eu_✓ meh. ¹²Mi[✓] tsa_✓ k'oe[✓] ta[^] sah_✓ lah_✓ a[✓] baw[✓] deu_✓ deh_✓ la[✓]-eu_✓ ga[✓] Mi_✓ yeh[✓] ya maw[✓] ngeh, nui k'ah[✓] shi[✓]-eu_✓ meh. ¹³U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, sm_✓ nah ti_✓ nah dzeu[✓]-i[✓]-eu_✓ meh.

¹⁴K'oe[✓] na[✓], U_✓ ci_✓ nah g'ah[✓] bi[✓] pa[^]-eu g'a[✓] du_✓ ma_✓ eh[✓], a[✓] nah a[✓] yam_✓, a[✓] k'o_✓ a[✓] la haw[✓]-eu, law[✓]-eu sheh[✓]-eu a[✓] yam_✓ a[✓] law to_✓ nya-eu g'a[✓] du_✓ ma_✓ eh[✓], m_✓ k'oe[✓] ta[^] yaw sheh_✓ ja[^] le-aw_✓. ¹⁵Yaw sheh_✓ k'oe[✓] deu_✓ mi[✓] tsa_✓ k'oe[✓] ta[^] bya le-aw_✓ leh[✓] Mi_✓ yeh[✓] daw_✓ bi_✓ ngeh, k'oe[✓] lo_✓-eh[✓] pyeu_✓ la[✓]-eu_✓ meh. ¹⁶A_✓ caw_✓ na[^] ma_✓ tse[✓] hui_✓ dzeh_✓-eu yaw sheh_✓ nyi_✓ hm_✓ pyeu_✓-eu, nah[✓] ma haw[✓]-eu ba la-ah[✓] Mi_✓ yeh[✓] beh-aw[✓], nah haw[✓]-eu mi[✓]-ah[✓] bi u[^] lah[✓]-eu_✓ meh. A_✓ gui[✓] deu_✓-ah[✓] k'aw_✓ a_✓ yaw_✓ beh-eu_✓ meh. ¹⁷Mi[✓] tsa_✓ k'oe[✓] ta[^] yaw sheh_✓ bi bya-eu g'a[✓] du_✓ ma_✓ eh[✓], ¹⁸Nah haw[✓]-eu mi[✓]-ah[✓] bi u[^] lah[✓]-eu g'a[✓] du_✓ ma_✓ eh[✓], yaw sheh_✓ haw[✓]-eu yaw zah[✓]-ah[✓] bi bi[✓] pa[^]-eu g'a[✓] du_✓ ma_✓ eh[✓], yaw sheh_✓ k'oe[✓] deu_✓-ah[✓] m_✓ k'oe[✓] ta[^] Mi_✓ yeh[✓] bi ja[^]-eu_✓ meh. K'oe[✓] ga[✓] a_✓ yaw_✓ ya maw[✓] ngeh, nui k'ah[✓] shi[✓]-eu_✓ meh. ¹⁹U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, oe_✓ nah ti_✓ nah dzeu[✓]-i[✓]-eu_✓ meh.

²⁰K'oe[✓] na[✓], l[✓] cu_✓ la_✓ k'oe[✓] k'a[✓] deh_✓ k'a[✓] jaw[✓] nya-eu je_✓ i[✓] cu_✓ la_✓ k'oe[✓] byah la[✓]-aw[✓], yaw go[✓]-ah[✓] zaw-eu a[✓] ji[✓] deu_✓ ja_✓ leh[✓] la_✓ k'oe[✓] byah la[✓]-aw_✓ leh[✓], Mi_✓ yeh[✓] daw_✓ bi_✓-eu_✓ meh. ²¹l_✓ ma la[^] sha[^] la_✓ k'oe[✓] u[✓]-eu g'aw[✓] maw[✓] hui_✓ dui dui-eu a[✓] maw[✓] deu_✓-ah[✓] ma_✓ eh[✓], i[✓] cu_✓ la_✓ k'oe[✓] u[✓]-eu yaw deh_✓ k'a[✓] deh_✓-eu je_✓ daw_✓ taw[^] lu_✓-ah[✓] ma_✓ eh[✓], a[✓] ji[✓] k'a[✓] ngeu[✓]-eu daw_✓ taw[^] lu_✓ ma_✓ eh[✓], Mi_✓ yeh[✓] beh-eu_✓ meh. ²²K'oe[✓] deu_✓-ah[✓] ya maw[✓] ngeh, a_✓ yaw_✓ nui k'ah[✓] shi[✓]-eu_✓ meh. l[✓] cu_✓ la_✓ k'oe[✓] k'a[✓] u[✓]-eu boe_✓ boe_✓ lu[^] lu[^] daw_✓ taw[^] lu_✓ mya_✓ la[✓] beh[✓] la[✓]-aw[✓], i_✓ ma la[^] sha[^] la_✓ k'oe[✓] byah la[✓]-aw_✓. A[✓] ji[✓] deu_✓ k'aw_✓ mya_✓ la[✓] beh[✓] la[✓]-aw_✓ leh[✓], a_✓ yaw_✓ daw_✓ ngeh_✓ g'eh neh_✓-eu_✓ meh. ²³U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, nga_✓ nah ti_✓ nah dzeu[✓]-i[✓]-eu_✓ meh.

²⁴K'oe[✓] na[✓], Baw[✓] tsah_✓ je_✓ za_✓ deu_✓ ma_✓ eh[✓], cu nya-eu je_✓ za_✓ yaw yah deu_✓ ma_✓ eh[✓], je_✓ za_✓ k'a[✓] ngeu[✓]-eu je_✓ yaw hui_✓ yaw nyi[✓] daw_✓ taw[^] lu_✓ mi[✓] tsa_✓ k'oe[✓] ta[^] jaw[✓] la[✓]-aw_✓ leh[✓] Mi_✓ yeh[✓] daw_✓ bi_✓ ngeh, k'oe[✓] lo_✓-eh[✓] pyeu_✓ la[✓]-eu_✓ meh. ²⁵K'oe[✓] lo_✓-eh[✓], je_✓ za_✓ k'a[✓] ngeu[✓]-eu daw_✓ taw[^] lu_✓-ah[✓] a_✓ yaw_✓ beh g'a_✓ ji[✓]-eu_✓ meh. K'oe[✓] ga[✓] ya maw[✓] ngeh, a_✓ yaw_✓ nui k'ah[✓] shi[✓]-eu_✓ meh.

²⁶K'oe[✓] na[✓], A_✓ dui ma_✓-eu_✓ a[✓] g'eh[✓]-ah[✓] du[✓]-eu tsaw[✓] ha_✓ za_✓ deu_✓-ah[✓] beh ka[✓]-eu[✓]. A_✓ yaw_✓ ma_✓ a_✓ dui-ah[✓] du[✓]-aw[✓], nga_✓ sha_✓ nga_✓ de[✓] deu_✓ k'oe[✓] ta[^] ma_✓ eh[✓], baw[✓] tsah_✓ je_✓ za_✓ haw[✓]-eu cu nya-eu je_✓ za_✓ yaw yah deu_✓ yaw hui_✓ yaw nyi[✓] daw_✓ taw[^] lu_✓ k'oe[✓] ta[^] ma_✓ eh[✓], bao_✓ ja[^] teh_✓-a leh[✓] Mi_✓ yeh[✓] eh[✓]-eu meh. ²⁷K'oe[✓] na[✓], tsaw[✓] ha_✓ za_✓-ah[✓] Mi_✓ yeh[✓] beh-eu_✓ meh. Tsaw[✓] ha_✓ za_✓-ah[✓] a_✓ yaw_✓ beh ngeh, a_✓ yaw_✓-ah[✓] du[✓] ni beh-eu_✓ meh. Za_✓ mi_✓ za_✓ haw[✓]-eu k'a_✓ dze[✓] za_✓ a_✓ yaw_✓ beh-eu_✓ meh. ²⁸K'oe[✓] na[✓], heu lo_✓-eh[✓] daw_✓ ngeh_✓ g'eh-aw[✓] gui_✓ lah_✓ bi_✓ neh_✓-eu_✓ meh. Jeu_✓ le o le-aw_✓. Naw ma_✓-eu_✓ za_✓ deu_✓ mi[✓] tsa_✓ k'oe[✓] ta[^] byah la[✓]-aw[✓], mi[✓] tsa_✓-ah[✓] u[^] lah[✓] lu_✓-u[✓]. Nga_✓ sha_✓ nga_✓ de[✓], ho za_✓ nga ji[✓] haw[✓]-eu, baw[✓] tsah_✓ je_✓ za_✓ deu_✓-ah[✓] haw-eu pya[^]-eu g'a[✓] du_✓, nga[✓] naw ma_✓-ah[✓] ga[✓] bi_✓-eu ma. ²⁹Naw ma_✓ bi dza_✓ bi daw[✓]-eu g'a[✓] du_✓, dza_✓ la g'o ceh[✓], a[✓] si_✓ a[✓] lu haw[✓]-eu, sah_✓ lah_✓ g'aw_✓ da[✓] deu_✓ naw ma_✓-ah[✓] nga[✓] bi_✓ ta_✓ g'a_✓-eu_✓ ma. ³⁰Eh[✓] k'aw_✓, baw[✓] tsah_✓ je_✓ za_✓ haw[✓]-eu ho za_✓ nga ji[✓] daw_✓ taw[^] lu_✓ bi dza_✓-eu g'a[✓] du_✓, ya mo_✓ deu_✓ haw[✓]-eu a[✓] pa_✓ tso_✓ mya_✓-eu baw du[^] a[✓] baw[✓] deu_✓ nga[✓] bi_✓ ta_✓-eu_✓ ma leh[✓] eh[✓] neh_✓-eu_✓ meh. Mi_✓ yeh[✓] k'oe[✓] lo_✓-eh[✓] eh[✓] g'a_✓ ngeh, a_✓ yaw_✓ neh k'a[✓] eh[✓]-eu_✓ lo_✓-eh[✓] pyeu_✓ la[✓]-eu_✓ meh. ³¹Mi_✓ yeh[✓]-a_✓, yaw_✓ ha neh m[✓] g'a_✓ ta_✓-eu_✓ ga[✓] deu_✓-ah[✓] haw-aw[✓], nui k'ah[✓] shi[✓] dui dui-eu_✓ meh. U_✓ ci_✓ k'oe[✓] mi[✓] bu_✓-i[✓]-aw[✓] u_✓ shaw_✓ keu[^] le ngeh, ko_✓ nah ti_✓ nah dzeu[✓]-i[✓]-eu_✓ meh.

2 ¹K'oe[✓] lo_✓-eh[✓] jah[✓]-aw[✓], m_✓ beh mi[✓] beh Mi_✓ yeh[✓] beh g'a_✓-eu_✓ meh. ²K'a[✓] m[✓] k'a[✓] sha[✓] pa_✓-eh[✓] g'eh-eu je_✓ m[✓] g'a_✓ sha[✓] g'a_✓ ji[✓]-eu_✓ mi[✓] neh, shi_✓ nah ti_✓ nah keu[^] la[✓] ngeh, Mi_✓ yeh[✓] g'a_✓ na_✓ na_✓-eu_✓ meh. ³Shi_✓ nah k'oe[✓] nah-ah[✓] a_✓ yaw_✓ gui_✓ lah_✓ bi_✓-aw[✓], a[✓] nah nui deu_✓-ah[✓] ma_✓ du[✓]-eu a[✓] nah ti_✓ nah bi pyeu_✓ la[✓]-eu_✓ meh. A_✓ je_✓ mi[✓] neh eh[✓] na[✓], a[✓] nah k'oe[✓] nah keu[^] la[✓] ngeh, m_✓ beh mi[✓] beh a_✓ yaw_✓ beh g'a_✓ ji[✓]-aw[✓], ga[✓] ma_✓ m[✓] ni g'a_✓ na_✓ na_✓-eu_✓ meh. ⁴Heu-a_✓, Mi_✓ yeh[✓] neh m_✓ haw[✓]-eu mi[✓] daw_✓ taw[^] lu_✓-ah[✓] a_✓ jo[^]-eh[✓] beh-eu_✓ ga[✓] kaw[^] pyeu_✓-eu meh.

E_˘de_˘ ya[˘] km[˘]

⁵Mi_˘ yeh[˘] m_˘ beh mi[˘] beh beh ngeh, mi[˘] tsa_˘ k'oe[˘] ta[˘] sah_˘ lah_˘ a[˘] baw[˘] ti_˘ baw[˘]-i_˘ ma_˘ baw[˘]-eh[˘], a[˘] ji ti_˘ ji-i_˘ ma_˘ ji-a. A_˘ je_˘ mi[˘] neh eh[˘] na[˘], Mi_˘ yeh[˘] neh u_˘ yeh[˘] ma_˘ bi yeh[˘] le dah-eu_˘ u_˘ ta_˘, ka dza_˘ ka daw[˘]-eu tsaw[˘] ha_˘ k'aw_˘ ti_˘ g'a_˘-i_˘ ma_˘ jaw[˘] le dah-eu_˘ mi[˘] neh meh. ⁶Eh[˘] k'aw_˘, mi[˘] tsa_˘ daw_˘ dah paw neh i[˘] cu_˘ a_˘ do[˘] la[˘]-aw[˘], mi[˘] tsa_˘ jm_˘ la[˘] ta_˘-eu_˘ meh.

⁷K'oe[˘] ngeh, Mi_˘ yeh[˘] mi[˘] tsa_˘-ah[˘] sha_˘ jeh[˘] ui cui[˘] tsu[˘] do[˘]-aw[˘], tsaw[˘] ha_˘ maw[˘] kaw[˘] teh[˘]-eu_˘ meh. K'oe[˘] na[˘], na[˘] meh[˘] la_˘ k'oe[˘] deh_˘-eu sa_˘ la[˘] baw ah[˘] neh_˘ ngeh, tsaw[˘] ha_˘ k'oe[˘] g'a_˘ yaw deh_˘ deh_˘ la[˘]-eu_˘ meh.

⁸K'oe[˘] na[˘], nah[˘] ma do[˘] k'eh_˘ paw E_˘de_˘ leh[˘] ku[˘]-eu jaw[˘] du_˘-ah[˘] Mi_˘ yeh[˘] ya[˘] km[˘] ti_˘ km[˘] beh-aw[˘], a_˘ yaw_˘ neh beh-eu_˘ tsaw[˘] ha_˘ k'oe[˘] g'a_˘-ah[˘] k'oe[˘] ga[˘] bi jaw[˘]-eu_˘ meh. ⁹Haw mui_˘ dui dui-eu a[˘] baw[˘] k'a[˘] ngeu[˘]-eu daw_˘ taw[˘] lu_˘ k'oe[˘] ga[˘] bi deh_˘ la[˘]-aw[˘], mui_˘ dui kui[˘] dui dui-eu a[˘] si_˘ deu_˘ Mi_˘ yeh[˘] bi si_˘ le-eu_˘ meh. Deh_˘-eu sa_˘ la[˘] a[˘] baw[˘] pyeu_˘-eu yaw mui_˘ yaw doe[˘] tse[˘] pa[˘] nya-eu za_˘ si_˘ tsaw[˘] gah[˘] bi_˘-eu a[˘] baw[˘] ti_˘ baw[˘] k'aw_˘, ya[˘] km[˘] k'oe[˘] km[˘]-eu_˘ g'ah[˘] ceh baw[˘]-eu_˘ meh.

¹⁰I[˘] cu_˘ law[˘] ba_˘ ti_˘ gaw[˘] E_˘de_˘ ya[˘] km[˘]-ah[˘] yoe[˘] u[˘] le_˘-aw[˘], ya[˘] km[˘]-ah[˘] i[˘] cu_˘ bi_˘-aw[˘] shi_˘ deu_˘ ni bi ja[˘]-eu_˘ meh. Law[˘] ba_˘ k'oe[˘] gaw[˘] E_˘de_˘ ya[˘] km[˘] yoe[˘] dzeu[˘] g'eh ngeh jaw[˘], law[˘] ba_˘ oe_˘ gaw[˘] yoe[˘] pa[˘]-i[˘]-eu_˘ meh. ¹¹Law[˘] ba_˘ yaw beh gaw[˘]-a_˘, Pi[˘]shah_˘ law[˘] ba_˘ pyeu_˘-aw[˘], Ha_˘bi[˘]la_˘ mi[˘] k'ah_˘ caw caw-eh[˘] yoe[˘] ka g'eh-eu_˘ meh. ¹²(Mi[˘] k'ah_˘ k'oe[˘] k'ah_˘ la_˘ k'oe[˘], mui_˘ dui dui-eu shui[˘], a[˘] poe_˘ k'a[˘]-eu tsi[˘] yaw saw je_˘ haw[˘]-eu, k'a_˘ lo seh[˘] deu_˘ do[˘]-eu meh.) ¹³Law[˘] ba_˘ nyi_˘ gaw[˘] ti_˘ gaw[˘]-a_˘, Gi[˘]ho_˘ law[˘] ba_˘ pyeu_˘-aw[˘], Ku[˘]sha[˘] mi[˘] k'ah_˘ caw caw-eh[˘] yoe[˘] ka g'eh-eu_˘ meh. ¹⁴Law[˘] ba_˘ sm_˘ gaw[˘] ti_˘ gaw[˘]-a_˘, A_˘shu[˘]li[˘] mi[˘] k'ah_˘ nah[˘] ma do[˘] k'eh_˘ paw yoe[˘] ka g'eh-eu_˘ Ti[˘]ga_˘li[˘] law[˘] ba_˘ pyeu_˘-aw[˘], law[˘] ba_˘ oe_˘ gaw[˘] ti_˘ gaw[˘]-a_˘, U[˘]pa_˘la[˘] law[˘] ba_˘ pyeu_˘-eu meh.

¹⁵Tsaw[˘] ha_˘ za_˘ k'oe[˘] g'a_˘-ah[˘] Mi_˘ yeh[˘] neh E_˘de_˘ ya[˘] km[˘] la_˘ k'oe[˘] bi jaw[˘]-aw[˘], ya[˘] km[˘]-ah[˘] la[˘] sa[˘] haw pi[˘]-eu g'a_˘ bi geu_˘-eu_˘ meh. ¹⁶A_˘ yaw_˘-ah[˘] Mi_˘ yeh[˘] heu lo_˘-eh[˘] eh[˘] neh_˘-eu_˘ meh. Yaw mui_˘ yaw doe[˘] tse[˘] pa[˘] nya-eu za_˘ si_˘ tsaw[˘] gah[˘] bi_˘-eu a[˘] baw[˘] k'oe[˘] baw[˘]-eu_˘ a[˘] si_˘ ma_˘ ngeu[˘] na[˘], a[˘] baw[˘] a_˘ geu baw[˘]-eu_˘ a[˘] si_˘ ma_˘ ka_˘, naw[˘] pya[˘] dza_˘ nya teh_˘-a. ¹⁷Eh[˘] k'aw_˘, yaw mui_˘ yaw doe[˘] tse[˘] pa[˘] nya-eu za_˘

si_˘ tsaw[˘] gah[˘] bi_˘-eu a[˘] baw[˘] k'oe[˘] baw[˘]-eu_˘ a[˘] si_˘ naw[˘] ma_˘ ya pya[˘] dza_˘-a. Pya[˘] dza_˘ na[˘], dza_˘ ngeh nah neh naw[˘] ya shi[˘] teh_˘-a leh[˘] eh[˘] neh_˘-eu_˘ meh.

¹⁸K'oe[˘] na[˘], Tsaw[˘] ha_˘ za_˘ ti_˘ g'a_˘ teh_˘-eh[˘] jaw[˘]-eu ma_˘ mui_˘-a. A_˘ yaw_˘-ah[˘] bi caw ba-eu g'a[˘] du_˘, a_˘ yaw_˘-ah[˘] geu[˘]-eu caw_˘ ti_˘ g'a_˘ nga[˘] beh neh_˘ ma leh[˘], Mi_˘ yeh[˘] eh[˘]-eu meh. ¹⁹Mi_˘ yeh[˘] mi[˘] tsa_˘-ah[˘] sha_˘ jeh[˘] ui cui[˘] tsu[˘] do[˘]-aw[˘], je_˘ za_˘ haw[˘]-eu a[˘] ji[˘] daw_˘ taw[˘] lu_˘-eu_˘ maw[˘] kaw[˘] teh[˘]-eu_˘ meh. K'oe[˘] na[˘], tsaw[˘] ha_˘ za_˘ neh bi haw-aw[˘] a[˘] myah[˘] bi myah[˘] neh_˘-eu leh[˘], je_˘ za_˘ haw[˘]-eu a[˘] ji[˘] k'oe[˘] deu_˘-ah[˘], tsaw[˘] ha_˘ za_˘ k'oe[˘] g'a_˘ jaw[˘] ga[˘] yu[˘] g'eh neh_˘-eu_˘ meh. K'oe[˘] mi[˘] neh, je_˘ za_˘ haw[˘]-eu a[˘] ji[˘] daw_˘ taw[˘] lu_˘, yaw_˘ ha-eu_˘ a[˘] myah[˘] yaw_˘ ha baw la[˘]-eu_˘ meh. ²⁰Je_˘ za_˘ haw[˘]-eu a[˘] ji[˘] daw_˘ taw[˘] lu_˘-ah[˘] tsaw[˘] ha_˘ za_˘ neh a[˘] myah[˘] myah[˘] neh_˘-eu_˘ meh. Eh[˘] k'aw_˘, je_˘ za_˘ a[˘] ji[˘] k'oe[˘] deu_˘ la_˘ k'oe[˘], a_˘ yaw_˘-ah[˘] caw ba nya-eu caw_˘ ma_˘ jaw[˘]-a.

²¹K'oe[˘] na[˘], tsaw[˘] ha_˘ za_˘ k'oe[˘] g'a_˘-ah[˘] Mi_˘ yeh[˘] neh ma_˘ noe_˘ ni bi yu_˘ k'a[˘] byo[˘]-eu_˘ meh. A_˘ yaw_˘ yu_˘ k'a[˘] lu_˘ ngeh, a_˘ yaw_˘-eu_˘ beh[˘] jeh[˘] ti_˘ kah_˘ yu[˘] do[˘]-aw[˘], beh[˘] jeh[˘] yu[˘] do[˘]-eu_˘ ma[˘] k'eh_˘ ma_˘ bi dah[˘] ni, bya[˘] g'a[˘] sha_˘ ji[˘] k'oe[˘] a_˘ yaw_˘ yaw oe[˘] lo_˘-eh[˘] pa[˘] bi myah_˘ taw_˘ le[˘]-eu_˘ meh. ²²Beh[˘] jeh[˘] k'oe[˘] kah_˘ neh za_˘ mi_˘ za_˘ ti_˘ g'a_˘-ah[˘] Mi_˘ yeh[˘] beh-aw[˘], tsaw[˘] ha_˘ za_˘ k'oe[˘] g'a_˘ jaw[˘] ga[˘] sheu_˘ g'eh neh_˘-eu_˘ meh. ²³K'oe[˘] ngeh, tsaw[˘] ha_˘ za_˘ k'oe[˘] g'a_˘ eh[˘]-eu,

A[˘] sa_˘ sa_˘ la[˘] ngeh-a_˘,

nga_˘-eu_˘ sha_˘ yoe_˘-ah[˘] neh do[˘] le-eu_˘ sha_˘ yoe_˘

nga_˘-eu_˘ sha_˘ ji[˘]-ah[˘] neh do[˘] le-eu_˘ sha_˘ ji[˘],

nga_˘-ah[˘] du[˘] le[˘]-eu nga_˘-eu_˘ a[˘] jeu_˘ ti_˘ g'a_˘ do[˘] le-eu_˘ nga.

A_˘ yaw_˘-ah[˘] za_˘ mi_˘ za_˘ leh[˘] nga[˘] ku[˘] ma.

A_˘ je_˘ mi[˘] neh eh[˘] na[˘], k'a_˘ dze[˘] za_˘ la_˘ k'oe[˘] neh a_˘ yaw_˘ do[˘] le-eu_˘ meh

leh[˘] eh[˘]-eu meh. ²⁴K'oe[˘] mi[˘] neh, k'a_˘ dze[˘] za_˘-a_˘, yaw_˘ ha-eu_˘ a_˘ ma a_˘ da-ah[˘] ya g'aw_˘-i[˘]-aw[˘], yaw_˘ ha-eu_˘ mi_˘ za_˘ neh_˘-eh[˘] ta_˘ le[˘]-eu la_˘ k'oe[˘], nyi_˘ g'a_˘-eu_˘ ti_˘ shi_˘ ti_˘ sha_˘ teh_˘-eh[˘] ya pyeu_˘ la[˘]-eu meh.

²⁵Za_˘ mi_˘ za_˘ haw[˘]-eu k'a_˘ dze[˘] za_˘ k'oe[˘] nyi_˘ g'a_˘ lu_˘, ne[˘] myaw[˘] ni jaw[˘]-eu_˘ meh. Eh[˘] k'aw_˘, sha_˘ daw[˘]-eu je_˘ ma_˘ ja[˘]-a.

Mi_˘ yeh[˘]-eu_˘ eh[˘] daw_˘-ah[˘] tsaw[˘] ha_˘ za_˘ ma_˘ na[˘] ha_˘ geu_˘-eu

3 ¹A[˘] law[˘]-a_˘, Sah_˘ pa_˘ Mi_˘ yeh[˘] pyeu_˘-eu Mi_˘ yeh[˘] neh beh ta_˘-eu_˘ je_˘ za_˘ deu_˘ la_˘ k'oe[˘], a_˘ caw_˘ na[˘] ma_˘ tse[˘] nui ma la_˘ g'o_˘ baw-eu

je_v pyeu_Λ-eu meh. A_v di^v a_v ma^v ya^v km^v la_Λ k'oe^v si_v-eu a^v si_v ti_v si_v-i_v ta_v pya^Λ dza_v leh^v naw nya_Λ-ah^v Mi_v yeh^v eh^v ta_v ta lo^v leh^v, za_v mi_v za_v k'oe^v g'a_v-ah^v a^v law^v k'oe^v maw^v na^v ha_v-eu_v meh.

²Za_v mi_v za_v k'oe^v g'a_v a^v law^v k'oe^v maw^v-ah^v eh^v k'o_Λ neh_v-eu, Ya^v km^v g'ah^v ceh ja^Λ-eu a^v si_v a^v baw^v k'oe^v baw^v-eu_v a^v si_v ma_v ngeu^v na^v, a^v si_v a^v baw^v a_v geu baw^v-eu_v a^v si_v ma_v ka_v, nga nya_Λ pya^Λ dza_v nya meh. ³Eh^v k'aw_Λ, ya^v km^v g'ah^v ceh ja^Λ-eu a^v baw^v k'oe^v baw^v-eu_v a^v si_v pya^Λ dza_v-eu ta_v eh^v. Toe_v-eu teh_Λ-eh^v k'aw_Λ ta_v toe_v ci^Λ le^v. Toe_v ci^Λ le^v na^v ya shi^v meh leh^v nga nya_Λ-ah^v Mi_v yeh^v eh^v ta_v-eu_v meh leh^v eh^v k'o_Λ neh_v-eu_v meh.

⁴A^v law^v k'oe^v maw^v pa^v eh^v-eu, To^Λ-eh^v ma_v ngeu^v-a. A^v si_v k'oe^v pya^Λ dza_v k'aw_Λ naw nya_Λ ma_v ya shi^v-a. ⁵A^v baw^v k'oe^v baw^v-eu_v a^v si_v naw nya_Λ pya^Λ dza_v na^v, naw nya_Λ k'aw_Λ Mi_v yeh^v-ah^v du^v la^v-aw^v, yaw mui_v yaw doe^v tse^v pa^Λ nya la^v teh_Λ-a leh^v Mi_v yeh^v si_v nya-eu mi^v neh, k'oe^v lo_Λ-eh^v eh^v-eu meh leh^v eh^v neh_v-eu_v meh.

⁶A^v baw^v k'oe^v baw^v haw mui_v dui dui-aw^v, a^v si_v k'aw_Λ kui^v dui dui pa_v-eh^v g'eh ga^v, za_v mi_v za_v k'oe^v g'a_v ya maw^v-eu_v meh. A^v si_v k'oe^v ya pya^Λ dza_v-aw^v, za_v si_v tsaw^v gah^v ah^v la^v law nm^v-a_v, ma_v ga^v dui dui teh_Λ-a leh^v a_v yaw_Λ noe_v-eu_v meh. K'oe^v mi^v neh, a^v si_v ui cui^Λ pya^Λ-aw^v dza_v haw-eu_v meh. K'oe^v na^v, a_v yaw_Λ-eu_v k'a_v dze^v za_v g'a_v-ah^v k'aw_Λ ui cui^Λ bi_Λ-aw^v, k'a_v dze^v za_v g'a_v k'aw_Λ dza_v-eu_v meh. ⁷A^v si_v k'oe^v dza_v g'a_v-eu_v neh_v-eh^v, a_v yaw_Λ nya_Λ noe_v si_v noe_v maw^v nya la^v-aw^v, Meh_v tsoe_v ma_v dm lu_Λ law haw^v nya_v leh^v, yaw_v ha^v yaw_v ha noe_v le^v-eu_v meh. K'oe^v mi^v neh, a_v yaw_Λ nya_Λ si_v gu_v ma^v sheu^v a^v pa_Λ gu_Λ taw_Λ-aw^v, yaw_v ha-eu_v g'aw^v maw^v-ah^v dm ka_v-eu_v meh.

⁸K'oe^v ngeh nah u_v ci_Λ u_v taw paw, Sah_v pa_v Mi_v yeh^v pyeu_Λ-eu Mi_v yeh^v ya^v km^v la_Λ k'oe^v ga^v ma cah haw le-eu te^v sa^v-ah^v a_v yaw_Λ nya_Λ ya ga_v ngeh, a^v baw^v u_v mo^Λ ceh^Λ za_Λ-eu_v meh. ⁹Eh^v k'aw_Λ, Sah_v pa_v Mi_v yeh^v pyeu_Λ-eu Mi_v yeh^v k'a_v dze^v za_v g'a_v-ah^v ku^v-aw^v, Naw^v a_v ga^v jaw^v lu_Λ te leh^v, na^v ha_v-eu_v meh. ¹⁰K'oe^v ngeh, k'a_v dze^v za_v g'a_v o_v to_v-aw^v eh^v-eu, Naw^v ya^v km^v la_Λ k'oe^v ga^v ma cah lu_Λ-eu te^v sa^v nga^v ya ga_v-eu_v ma. Eh^v k'aw_Λ, nga^v meh_v tsoe_v ma_v dm lu_Λ-eu mi^v neh naw_v-ah^v gu^Λ-aw^v dzu^v za_Λ lu_Λ-eu ma leh^v eh^v k'o_Λ neh_v-eu_v meh. ¹¹Naw^v meh_v tsoe_v ma_v dm lu_Λ nga leh^v, naw_v-ah^v a_v su^v g'a_v eh^v meh_v neh_v la_Λ ta. Nga_v neh ta_v dza_v leh^v eh^v ta_v-eu_v a^v si_v k'oe^v naw^v pya^Λ dza_v te_v lo^v leh^v, a_v yaw_Λ-ah^v Mi_v yeh^v na^v ha_v-eu_v meh. ¹²Naw_v neh

nga_✓ neh_✓-eh[✓] bi jaw[✓] le-eu_✓ za_✓ mi_✓ za_✓ heu g'a_✓, nga_✓-ah[✓] a[✓] si_✓ k'oe[✓]
 bi[✓] la_✓-eu mi[✓] neh nga[✓] dza_✓-eu_✓ ma leh[✓], k'a_✓ dze[✓] za_✓ k'oe[✓] g'a_✓ Mi_✓
 yeh[✓]-ah[✓] eh[✓] k'o_✓ neh_✓-eu_✓ meh. ¹³A_✓ je_✓ mi[✓] neh naw[✓] k'oe[✓] lo_✓-eh[✓]
 m[✓] te_✓ leh[✓], Sah_✓ pa_✓ Mi_✓ yeh[✓] pyeu_✓-eu Mi_✓ yeh[✓] za_✓ mi_✓ za_✓ g'a_✓-ah[✓]
 na[✓] ha_✓ ngeh, A[✓] si_✓ k'oe[✓] pya[✓] dza_✓-aw_✓ leh[✓] a[✓] law[✓] nga_✓-ah[✓] mu[✓]
 ju[✓] ju[✓]-eu mi[✓] neh pya[✓] dza_✓-eu_✓ ma leh[✓], za_✓ mi_✓ za_✓ g'a_✓ eh[✓] k'o_✓
 neh_✓-eu_✓ meh.

Mi_✓ yeh[✓] ya[✓] k'a_✓ da[✓]-eu_✓

¹⁴K'oe[✓] ngeh, Sah_✓ pa_✓ Mi_✓ yeh[✓] pyeu_✓-eu Mi_✓ yeh[✓] a[✓] law[✓] k'oe[✓]
 maw[✓]-ah[✓] heu lo_✓-eh[✓] eh[✓] neh_✓-eu_✓ meh. Naw[✓] k'oe[✓] lo_✓-eh[✓] m[✓]-eu_✓ ba_✓
 da neh k'eh_✓ neh_✓ k'a[✓] neh_✓-eu je_✓-ah[✓] ya da_✓ teh_✓-a. Je_✓ za_✓ daw_✓ taw[✓]
 lu_✓ la_✓ k'oe[✓], naw[✓] teh_✓-eh[✓] heu lo_✓-eh[✓] ya_✓ k'eh[✓] ya_✓ neh_✓-eu_✓ ga[✓] ya
 da_✓ teh_✓-a. Nym_✓-m[✓] neh a[✓] dah_✓ beh-aw[✓], naw_✓-eu_✓ u_✓ ma[✓] mi[✓] tsa_✓
 ci_✓ da_✓-aw[✓] joe joe-eh[✓] cah-aw_✓. Ma_✓ shi[✓] ti_✓ zi[✓] naw[✓] mi[✓] tsa_✓ ya dza_✓
 teh_✓-a. ¹⁵Naw[✓] haw[✓]-eu za_✓ mi_✓ za_✓ naw nya_✓ yaw ka_✓, ti_✓ g'a_✓ ti[✓] g'a_✓
 mui[✓] ni nga[✓] jah[✓] ma. A_✓ yaw_✓-eu_✓ za_✓ deu_✓ haw[✓]-eu naw_✓-eu_✓ za_✓ deu_✓,
 a_✓ myah lu_✓ ti_✓ g'a_✓ ti[✓] g'a_✓ mui[✓] teh_✓-a. A_✓ yaw_✓-eu_✓ za_✓ deu_✓ naw_✓-eu_✓
 u_✓ du_✓ naw_✓ pyeh[✓]-aw[✓], a_✓ yaw_✓ ma_✓-eu_✓ a_✓ kui[✓] kui[✓] nui_✓-ah[✓] naw[✓] to[✓]
 teh_✓-a leh[✓] eh[✓] neh_✓-eu_✓ meh.

¹⁶K'oe[✓] na[✓], Sah_✓ pa_✓ Mi_✓ yeh[✓] pyeu_✓-eu Mi_✓ yeh[✓] za_✓ mi_✓ za_✓
 g'a_✓-ah[✓] heu lo_✓-eh[✓] eh[✓] neh_✓-eu_✓ meh. A_✓ nyi[✓] pi lu_✓ ngeh ma_✓ eh[✓],
 a_✓ nyi[✓] ci_✓ ngeh ma_✓ eh[✓], naw[✓] ya m[✓]-eu sha_✓ zah_✓ heu na[✓] ma_✓ tse[✓]
 na_✓ dzeh_✓ la[✓] ni nga[✓] jah[✓] ma. Naw[✓] k'oe[✓] na[✓] na[✓]-eh[✓] ya sha_✓ k'aw_✓,
 naw_✓-eu_✓ k'a_✓ dze[✓] za_✓-ah[✓] naw[✓] a_✓ myah lu_✓ nui k'ah[✓] ja[✓] teh_✓-a. Eh[✓]
 k'aw_✓, naw_✓-eu_✓ k'a_✓ dze[✓] za_✓ u[✓] lah[✓]-eu u_✓ mo[✓] naw[✓] ya jaw[✓] teh_✓-a
 leh[✓] eh[✓] neh_✓-eu_✓ meh.

¹⁷Sah_✓ pa_✓ Mi_✓ yeh[✓] pyeu_✓-eu Mi_✓ yeh[✓]-a_✓, k'a_✓ dze[✓] za_✓ g'a_✓-ah[✓]
 k'aw_✓ heu lo_✓-eh[✓] eh[✓] neh_✓-eu_✓ meh. Naw_✓-eu_✓ mi_✓ za_✓-eu_✓ eh[✓] daw_✓ na[✓]
 ha_✓-aw[✓], nga_✓ neh ta_✓ dza_✓ leh[✓] eh[✓] ta_✓-eu_✓ a[✓] si_✓-ah[✓] naw[✓] dza_✓-eu_✓
 meh. Naw[✓] k'oe[✓] lo_✓-eh[✓] m[✓]-eu_✓ mi[✓] neh, mi[✓] tsa_✓-a_✓, ya_✓ k'eh[✓] ya_✓
 neh_✓-eu je_✓-ah[✓] ya da_✓ teh_✓-a. Naw[✓] ya dza_✓ ya daw[✓]-eu g'a[✓] du_✓,
 naw_✓-eu_✓ ti_✓ zi[✓] ma_✓ na_✓ le[✓] ni mi[✓] tsa_✓-ah[✓] ya beu_✓ teh_✓-a. ¹⁸Mi[✓]
 tsa_✓-a_✓, ya[✓] mo_✓ haw[✓]-eu a_✓ gah baw du[✓] deu_✓ bi deh_✓ do[✓] la[✓]-aw[✓],
 baw[✓] tsah_✓ sah_✓ lah_✓ deu_✓-ah[✓] naw[✓] ya dza_✓ teh_✓-a. ¹⁹Mi[✓] tsa_✓ yu[✓]-aw[✓]
 naw_✓-ah[✓] beh ta_✓-eu_✓ lo_✓-eh[✓], mi[✓] tsa_✓-ah[✓] naw[✓] ma_✓ ya g'o_✓ u[✓]-i[✓] k'oe[✓]
 keu[✓] ni, naw[✓] k'a[✓] ka dza_✓-eu je_✓-ah[✓] mi[✓] tsa_✓ neh bi deh_✓ do[✓] la[✓]-aw[✓]

a[✓] si_✓ a[✓] nui[^] bi nui[^] la[✓]-eu g'a[✓] du_✓, ku_✓ pyu[✓] ku_✓ tsa[✓] tsi[✓] ni naw[✓]
 ya m[✓] seh_✓ le_✓ teh_✓-a. Mi[✓] tsa_✓ sha_✓ jeh[^] yu[✓]-aw[✓] naw_✓-ah[✓] teh[^] ta_✓-eu_✓
 lo_✓-eh[✓], naw[✓] mi[✓] tsa_✓ pa[✓] ya pyeu_✓ k'o_✓-i[✓] teh_✓-a leh[✓] eh[✓] neh_✓-eu_✓
 meh.

²⁰A_✓ da_✓-a_✓, a_✓ yaw_✓-eu_✓ mi_✓ za_✓-ah[✓] E[✓]ba[^]* leh[✓] myah[✓] neh_✓-eu_✓ meh.
 A_✓ je_✓ mi[✓] neh eh[✓] na[✓], a_✓ yaw_✓-a_✓, tsaw[✓] ha_✓ za_✓ daw_✓ taw[^] lu_✓-eu_✓
 a_✓ ma ma dzah[✓] g'a_✓ pyeu_✓-eu meh. ²¹Sah_✓ pa_✓ Mi_✓ yeh[✓] pyeu_✓-eu Mi_✓
 yeh[✓]-a_✓, A_✓ da_✓ haw[✓]-eu E[✓]ba[^] a_✓ nya_✓ dze[✓] za_✓-ah[✓], je_✓ za_✓ ba[^] k'o[^]
 meh_✓ tsoe_✓ gu_✓-aw[✓] bi dm-eu_✓ meh.

A_✓ da_✓ haw[✓]-eu E[✓]ba[^]-ah[✓] ya[✓] km[✓] la_✓ nyi[✓] teh do[^]-eu_✓

²²K'oe[✓] na[✓], Sah_✓ pa_✓ Mi_✓ yeh[✓] pyeu_✓-eu Mi_✓ yeh[✓] eh[✓]-eu, Nym_✓-m[✓]
 po[^]-a_✓, tsaw[✓] ha_✓ heu g'a_✓ a_✓ dui-ah[✓] du[✓] la[✓] g'a_✓-aw[✓], yaw mui_✓ yaw
 doe[✓] tse[✓] pa[^] nya-eu za_✓ si_✓ tsaw[✓] gah[✓] k'aw_✓ ah[✓] la[✓] g'a_✓-eu_✓ meh. Heu
 ga[✓] pa[✓] bi jaw[✓]-aw[✓] deh_✓-eu sa_✓ la[✓] bi_✓-eu a[✓] baw[✓] k'oe[✓] baw[✓]-eu_✓ a[✓]
 si_✓ pya[^] dza_✓ pya[^] dza_✓-eh[✓] jaw[✓] na[✓], m_✓ ma_✓ ma_✓ bya[^] za[✓] zi[✓] ma_✓
 shi[✓] ni a_✓ yaw_✓ deh_✓ teh_✓-a. K'oe[✓] lo_✓-eh[✓] ma_✓ geu_✓ nya-a leh[✓] eh[✓]-eu
 meh. ²³K'oe[✓] mi[✓] neh tsaw[✓] ha_✓ k'oe[✓] g'a_✓-ah[✓] ya[✓] km[✓] la_✓ nyi[✓] teh do[^]
 neh_✓-aw[✓], mi[✓] tsa_✓ yu[✓]-aw[✓] a_✓ yaw_✓-ah[✓] beh-eu_✓ lo_✓-eh[✓], mi[✓] tsa_✓-ah[✓] bi
 ka dza_✓ bi ka daw[✓]-i[✓]-eu_✓ meh. ²⁴K'oe[✓] na[✓], deh_✓-eu sa_✓ la[✓] a[✓] baw[✓] ja[^]
 ga[✓] tsaw[✓] ha_✓ ti_✓ g'a_✓-i_✓ ma_✓ ya i[✓]-eu g'a[✓] du_✓, Je_✓ lu[✓] be_✓* haw[✓]-eu, mi[✓]
 ma oe_✓ coe[✓] oe_✓ pyaw_✓ lu_✓-ah[✓] mi seu_✓ pyaw[✓]-eu mi_✓ dza_✓ do_✓ lu_✓-eu mi
 ceh[✓]-ah[✓], ya[✓] km[✓]-eu_✓ nah[✓] ma do[^] k'eh_✓ paw bi ja[^]-aw[✓], deh_✓-eu sa_✓
 la[✓] a[✓] baw[✓] daw_✓ peh tsaw[✓] ha_✓ ti_✓ g'a_✓-i_✓ ma_✓ bi la[✓] ni bi lo_✓ tsoe_✓-eu_✓
 meh.

© Thailand Bible Society, 1991



Thailand Bible Society
 Box 4-198
 Bangkok 10400

ISBN 974-8183-29-7

Akha Genesis
 TBS-1991-1M